



Tix: WAGF&D/XW/064/19

Tar: 17/07/2019

**Dhismaha Guddiga Qabanqaabada Shirwaynaha**

**Dib-u-Heshiisiinta Galmudug**

Wasiirka Wasaaradda Arrimaha Gudaha, Federaalka iyo Dib-u-Heshiisiinta,

Markuu dhegaystey: Talo bixinta mas'uuliyiinta Galmudug ku matila golyaasha qaranka ee heer federaal iyo heer dawlad goboleed, dhaqanka, culimmada, waxgaradka iyo dhammaan bulshada reer Galmudug

Markuu arkay: Baahida loo qabo dib-u-heshiisiin iyo isu soo dhowayn dhex marta shacabka Galmudug si loogu diyaariyo inay wada dhistaan maamul dawlad goboleed oo ay u dhan yihiin

Markuu tixgeliyey: Heshiisyadii siyaasadeed oo ay wada gaareen Dawladda Federaalka Soomaaliya iyo Maamulka Galmudug

Isagoo ku baraarugsan: In la joogo waqtigii la dhisi lahaa maamul dawlad goboleed Galmudug oo beddela maamulka hadda waqtigiisu dhammaaday

Isagoo dareensan: khatarta amni iyo midda maamul ee shacabka Galmudug soo wajihi karta haddii waqtigan xasaasiga ah aan Galmudug dhisan maamul la isku raacsan yahay

**Wasiirku wuxuu go'aamiyey:**

**Qodobka 1aad**

**Dhisidda Guddi Qabanqaabo**

In la dhiso Guddiga Qabanqaabada Shirwaynaha dib-u-heshiisiineed oo ay ka qayb galaan dhammaan beelaha wada dega Galmudug. Fadhiga Shirku waxuu noqonayaa magaala madaxda DGGM ee Dhuusa-Marreeb.

## Qodobka 2aad

### Tirada Xubnaha Guddiga iyo Guddoonka

Guddigu wuxuu ka koobnaanayaa 12 xubnood oo ka kala socda beelaha deggan Dawlad Goboleedka Galmudug. Marka la soo dhammaystiro xubnaha guddigu waxay iska dhex dooranayaan (1) Guddoomiye, (2) Guddoomiye K/Xigeen iyo (3) Xoghaye. Hawsha Guddigu waxay noqonaysaa mas'uuliyad wadareed

## Qodobka 3aad

### Maqacyada Xubnaha Guddiga

1	Cabdiraxmaan Macallin Cabdullahi (Badiyow)
2	Maxamed Nuur Gacal
3	Aadan Cusmaan Xuseen
4	Maxamed Maxamud Gacma-Dheere
5	Cabdikaafi Maxamed Maxamuud
6	Xassan Maxamed Jimcaale
7	Amb. Cabdi Xaaji Liibaan (Dhabancad)
8	Faduma Axmed Caalin (Cureeji)
9	Cabdi Maxamed Jaamac
10	Mahad Aaden Guuleed
11	Cabbdullaahi Aadan Xaashi
12	Sahra Colaad Cabdi

## Qodobka 4aad

Guddiga qabanqaabada Shirka Dib-u-Heshiisiinta Galmudug waxay u xil saaran yihiin xiriirka beelaha, soo ururinta iyo isu keenidda ergooyinka beelaha ku matilaya shirwaynaha, daadihinta shirka iyo xaqiijinta qaabkii xal waara looga gaari lahaa khilaafaadka bulsho iyo kuwa siyaasadeed ee ka dhex jira beelaha Galmudug.

### Qodobka 5aad

Guddiga waxaa la hawl gelaya xoghayn ka wakill ah Wasaaradda Arrimaha Gudaha, Federaalka iyo Dib-u-Heshiisiinta oo si siman ula shaqayn doonta Guddiga qabanqaabada iyo Shirwaynaha labada.

### Qodobka 6aad

Wajibaadka shaqo ee Guddiga qabanqaabada iyo Xoghaynta Wasaaradda Arrimaha Gudaha waxaa lagu qeexa lifaaq gaar ah oo lala wadaagi doono guddiga iyo xoghaynta.

### Wada Shaqayn Wacan iyo Guul Inshaa Allah

Cabdi Maxamed Sabrie,

Wasiirka Wasaaradda

*Ahmed*

(17/07/2019)

